



Tlf.: +299 32 15 11
nuuk@bdo.dk
www.bdo.dk

BDO Statsautoriseret revisionsaktieselskab
Imaneq 33, 7. etage, Box 20
GL-3900 Nuuk
CVR-nr. 20 22 26 70

ILLUUTILEQATIGIIT ILLUUT

AQQUSINERSUAQ 39, 3900 NUUK

UKIUMUT NALUNAARUT

1. JANUAARI - 31. DECEMBARI 2023

**Ukiumut nalunaarut
ingerlatseqatigiiffiup nalinginnarmik
ataatsimeersuarnerani, ulloq 24. maaji
2024-mi saqqummiunneqarlunilu
akuerineqarpoq**

Niels Hansen Damm

CVR-NR. 12 57 02 60

IMARISAI**Qupperneq****Ingerlatseqatigiiffik pillugu paasissutissat**

Ingerlatseqatigiiffik pillugu paasissutissat 3

Nalunaarutit

Pisortat nalunaarutaat 4

Kukkunersiuisartup arlaannaannulluunniit attuumassuteqanngitsup oqaaseqaataa 5-6

Pisortat nalunaarutaat

Kisitsisit pingaernerit kisitsisillu najoqqutassat 7

Pisortat nalunaarutaat 8-10

Ukiumoortumik naatsorsuutit 1. januaari - 31. decembari

Angusat nalunaarsorneri..... 11

Oqimaaqatigiissitsineq 12-13

Namineq aningaasaatinik nalunaarsuineq 14

Aningaasanik kaaviiartitsinerup nalunaarsorneqarnera 15

Nalunaarsuinerit 16-17

Naatsorsuusionermermi periuseq atorreqartoq 18-20

INGERLATSEQATIGIIFFIK PILLUGU PAASISSUTISSAT

Ingerlatseqatigiiffik	ILLUUTILEQATIGIIT ILLUUT Aqqusinersuaq 39 3900 Nuuk CVR-nr.: 12 57 02 60 Pilersinnera: 22. decembari 2009 Kommune: Kommuneqarfik Sermersooq Ukioq naatsorsuiffik: 1. januaari - 31. decembari
Siulersuisut	Steffen Niels Hendrik Ulrich-Lynge, siulittaasoq Malene Rosing Hansen Marie Kathrine Fleischer Jørgen Aqe Møller
Pisortaqarfik	Torben Pauls
Kukkunersiuisoq	BDO Statsautoriseret revisionsaktieselskab Imaneq 33, 7. etage, Box 20 GL-3900 Nuuk

PISORTAT NALUNAARUTAAT

Ulloq manna ILLUUTILEQATIGIIT ILLUUT-mut ukiumut naatsorsuiffimmut 1. januaari - 31. decembari 2023-mut ukiumoortumik nalunaarusiaq siulersuisut aamma pisorta qarfiup suliaralugu akuerisimavaat.

Ukiumoortumik nalunaarusiaq ukiumut naatsorsuusiortarnermut inatsit malillugu suliarineqarpoq.

Ukiumoortumik naatsorsuutit ull. 31. decembari 2023-mi ingerlatseqatigiiffiup naliliutaanik, akiitsuinik aamma aningaasaqarnikkut inissisimaneranik, kiisalu ukiumut naatsorsuiffimmut 1. januaari - 31. decembari 2023-mi ingerlatseqatigiiffiup angusaasa aamma aningaasanik kaaviiartitsinerata eqqortunik takussutissiineri isumaqarfigaarput.

Isumarput malillugu pisortat nalunaarutaat pissutsinut nalunaarummi eqqartorneqartunut taakkununga eqqortumik nassuiaatitaqartutut imaqarpoq.

Ukiumut nalunaarut ataatsimeersuartunit akuersissutigeqqullugu innassutigineqarpoq.

Nuuk, ulloq 2. maaji 2024

Pisorta qarfik:

Torben Pauls

Siulersuisut:

Steffen Niels Hendrik
Ulrich- Lyngé
Siulittaasoq

Malene Rosing Hansen

Marie Kathrine Fleischer

Jørgen Aqe Møller

KUKKUNERSIUISARTUP ARLAANNAANNULLUUNNIIT ATTUUMASSUTEQANNGITSUP OQAASEQAATAA

EJENDOMSAKTIESELSKABET ILLUUT-ip piginnittuinut

Inerniliineq

ILLUUTILEQATIGIIT ILLUUT ukiumoortumik naatsorsuutai kukkunersiorpagut ukiumut naatsorsuusiortifiusumut 1. januaari - 31. decembari 2023, taakkunungalu ilaapput naatsorsuutitigut angusat nalunaarsorneqarnerat, oqimaaqatigiissitsineq, namminerisamik aningaasaatit nalunaarsorneqarnerat, aningaasanik kaaviiartitsinerup nalunaarsorneqarnera, nassuiaatit, aamma naatsorsuusiortnermi periusitsip atorneqartoq. Ukiumoortumik nalunaarusiaq ukiumoortumik naatsorsuusiortarnek pillugu inatsit malillugu suliarineqarpoq.

Ukiumoortumik naatsorsuutit suliffeqarfiup pigisaanik nalilinnik, akiitsuinik aammalu aningaasaqarnikkut inissisimaneranik 31. decembari 2023 killigalugu eqqortumik ingerlatsisoqarneranik, kiisalu ingerlatsiviup ukiumi naatsorsuusiortifiusumi 1. januaari -31. decembari 2023-mut ingerlatsinermini angusai aningaasaataasalu kaaviiarnerat ukiumoortumik naatsorsuusiortarnermut inatsimmik eqqortitsisut isumaqarpugut.

Inerniliinermut tunngaviusoq

Nunani tamalaani kukkunersiuineq pillugu maleruagassat nalinginnaasut tunngavigalugiit, piumasaqaatillu allat Danmarkimi atuuttut tunngavigalugit kukkunersiuinerput ingerlapparput. Maleruagassallu taakkua nalinginnaasuusut malillugit akisussaaffipput piumasaqaatillu kukkunersiuusup oqaaseqaataani immikkoortumi uani "Kukkunersiuusup naatsorsuutini kukkunersiuinermini akisussaaffia"-ni sukumiinerusumik nassuiaatigineqarput. Nunat tamalaat akornanni kukkunersiuusunut ileqqorisaarnissamut, International Ethics Standards Board for Accountantsimut maleruagassat (IESBA Code), aammalu Kalaallit Nunaanni atuuttut ilassutitut ileqqorisaarnissamut piumasaqaatit naapertorlugit ingerlatsivimmu attuumassuteqanngilugut, soorlulusooq piumasaqaatit taakku aamma IESBA Code najoqqutaralugit ileqqorisaarnissamut pisussaaffigisatta sinnerinik malittarinnissimalluta. Kukkunersiuusinnaanermut uppersaaterput naammassarivarput, inerniliinitsinnullu tunngavissatut naapertuuttut isumaqarfigalutigu.

Pisortat ukiumoortumik nalunaarusiamut akisussaasuunerat

Ingerlatsiviup ukiumoortumik nalunaarusiornissaa pisortat akisussaaffigaat, ukiumoortumillu naatsorsuutini Kalaallit Nunaanni Aningaasarsiornek pillugu inatsimmi peqqussutaasut naapertorlugit suliarineqarnissaa akisussaaffigalugu. Ingerlatsivimmi nakkutilliinissamut pisortat aamma akisussaasuupput, taamaattoqarneralu pisortat pisariaqarluinnarsoraat, ukiumoortumik nalunaarutit aqutqigalugit kukkusumik paasissutissiinniginnissaq anguniarlugu, taamatuttaaq peqquserlunnerit kukkunerilluunniit aqqivigineqarnissaat eqqarsaatigalugit.

Pisortat ukiumoortumik nalunaarusiortnermikkut ingerlatsivik ingerlaannarsinnaanersoq nalilissallugu akisussaaffeqarput, Ingerlatsiviullu ingerlaannarnissaanut tunngasut pillugit paasissutissiinissartik, aammalu ukiumut nalunaarutit pillugit ileqqut malillugit illuutileqatigiit ingerlaannarnissamut tunngavissaqarnera takutissallugu, pisortat illuutileqatigiinik taamaatitsinissaq pilersarutereriinngikkunikku, taamaatiinnarniannikkunikku ingerlariaqqinnissamulluunniit allanik periarfissaqanngilluinnarneq peqquaatinnngikkunikku.

Ukiumoortumik nalunaarusiat kukkunersiorneqarnerini kukkunersiuusup akisussaaffia

Ukiumoortumik nalunaarutiat tamaasa isigalugit ernnertuunik kukkusunik paasissutiniq imaqanngitsuunerinut, tamakku peqquserluutigisanik imaluunniit kukkussuteqarnermik patsiseqarneri apeqqutaatinnagit annertuumik isumannaassutsip angunissaa anguniagaraarput, aammalu inerniliinermik imalimmik kukkunersiuusartup nalunaarutaanik tunniussaqaasaagut.

Annertuumik isumannaassuseqarnek tassaavoq isumannaassutsip inissisimaffia qaffasissaq, tassaannngilarli kukkunersiuusarneq pillugu nunat tamalaani najoqqutarisanik malittarinnilluni suliarineqartut kukkunersiuineq, aammalu Kalaallit Nunaanni atuuttut ilassutitut piumasaqaataasut tamatigut taamatut ittunik peqartillugu annertuumik kukkusumik paasissutissiinernik qulaajaajuartussa.

Peqquserluuteqarsimanerup imaluunniit kukkussuteqarsimanerup malitsigisaanik kukkusumik paasissutissiinerit pinngorsinnaapput, aammalu taakku ataasiakkaarlutik, imaluunniit tamarmiullutik ukiumoortumik naatsorsuutiniq tunngaveqarlutik naatsorsuutiniq atuisartut aningaasaqarnermi aalajangiussarisannut sunniuteqartuunissaat naammaginartumik naatsorsuutigineqarsinnaassappata annertuutut isigineqarsinnaapput.

Kukkunersiuusarneq pillugu nunat tamalaani najoqqutarisanik, aammalu Kalaallit Nunaanni atuuttut ilassutitut piumasaqaatit malillugit kukkunersiuinerup ilaatut sulianut tunngasut nalilersuisarlutalu kukkunersiuinerup nalaani sulianut pikkorffigisatut qularuteqartuuneq attattarparput. Makku ilaallutik:

- Ukiumoortumik naatsorsuutini annertuumik kukkusumik paasissutissiinermut aarleqqutaasoq suussusersillugulu

nalilersortarparput, tamanna peqquserluutaasunik imaluunniit kukkunernik patsiseqarnera apeqqutaatinnagu, aarleqqutinut taakkununga qisuariaatitut kukkunersuiisartutut iliuuserisartakkat suliarisarpavut, kiisalu inerniliinitsinnut tunngaviusussatut naammallunilu naleqquttuusumik kukkunersuiisimanermut uppernarsaat angusarlutigu. Peqquserlunnermik patsiseqartunik annertuunik kukkusumik paasissutissiinernik paasisaqannginnissamut aarleqqutaasoq kukkussutinik tunngaveqartutut annertuunik kukkusumik paasissutissiinernut naleqqiullugu annertuneruvoq, peqquserluutiniissinnaammata peqatigiinniapilunnerit, peqquserlulluni allagaasiornertit, nammineq sianigisamik ilaatitaqanngitsoornerit, paatsiveerussaanerit, imaluunniit suliffiup iluani nakkutilliinermik pinngitsuuisitsinerit.

- Pissutsit malillugit naapertuuttunik kukkunersuiinermi iliuuserisanik ilusilersuisinnaarluni kukkunersuiinermut attuumassutilinnik suliffiup iluani nakkutilliinermik paasisaqarneq angusarparput, ingerlatseqatigiiffimmili suliffiup iluani nakkutilliinerup pitsaanerpaassusaa pillugu inerniliisummik oqaatiginnissinnaangilagut.
- Pisortat atugaattut naatsorsueriaaseq naleqquttuunersoq isummerfigisarparput, kiisalu pisortat suliarisaattut naatsorsuuserinermut tunngasutut missiliutinerit, tamakkunungalu atasutut paasissutissat tamakku naapertuuttuunersut isummerfigisarlutigit.
- Ingerlatsinerup nanginnissaa pillugu naatsorsueriaatsimi tunngaviusumik tunngaveqartumik pisortat ukiumoortumik naatsorsuutinik suliaqarnerat, kiisalu kukkunersuiinermut uppernarsaammik anguneqartumik tunngaveqarluni ingerlatseqatigiiffiup ingerlatsinermik nangitsininnaassusaa pillugu annertuumik qulartoqarnermik pilersitsinnaasunik pisunik imaluunniit pissutsinik attuumassutilinnik annertuumik nalornisoqarpat inerniliissuteqarpugut. Annertuumik nalornissuteqartoqarnera inerniliissutigissagutsigu kukkunersuiisartutut nalunaarutitsinni tamanna pillugu ukiumoortumik naatsorsuutini paasissutissat sianigeqqussavavut, imaluunniit, paasissutissat taama ittut naammassanngippata inerniliinerup naleqqussassallutigu. Kukkunersuiinermut nalunaarutitsinnut ullormut angusarineqartutut kukkunersuiisartut uppernarsaataannik inerniliinigit tunngaveqarput. Taamaattorli siunissami pisoqarnerit imaluunniit pissutsit ingerlatseqatigiiffiup ingerlataminik nangitsininnaajunnaarnissaa nassatarisinnaavaat.
- Ukiumoortumik naatsorsuutinik tamakkiisutut saqqummiussat, iluserisat imarisallu, ilanngullugit nalunaarsuutini paasissutissat, kiisalu ukiumoortumik naatsorsuutit aningaasanik ingerlatarisanik tunngaviusunik tamakkuninnga, aammalu pisoqarnermik tamakkuninnga eqqortunik takussutissiillutik taamatut takussutissiissuteqartuunerat isummerfigaagut.

Ilaatigut kukkunersuiinerup pilersaarutigisatut annertussusaa, aammalu piffissamut tunngatillugu qaqugukkut pissarnera, kiisalu annertuutut kukkunersuiinermut tunngasutut paasisat, ilanngullugit suliffiup iluani nakkutilliinermi annertuunik amigaateqarsinnaanerit, kukkunersuiinerup nalaani suussusersisagut pillugit pisortaqaarfimmik attaveqateqarpugut.

Pisortat nalunaarutaat pillugu oqaaseqaat

Pisortat pisortat nalunaarutaannut akisussaasuupput.

Ukiumoortumik naatsorsuutit pillugit inerniliinitsinni pisortat nalunaarutaat ilaanngilaq, pisortallu nalunaarutaat pillugu qularutiginnigisatsinnik inerniliisummik sumilluunniit oqaatigisaqanngilagut.

Ukiumoortumik nalunaarutip kukkunersiorneqarneranut atatillugu pisortat nalunaarutaata atuarnissaa akisussaaffigaarput, tassungalu atatillugu pisortat nalunaarutaat ukiumoortumik naatsorsuutitut annertuunik ataqatigiissuuffeqannginnera, imaluunniit kukkunersuiinitsinni ilisimasamik angusarisatsinnut, allatulluunniit iluseqartutut annertuunik kukkussunik paasissutissanik imaqarpassinnera isumaliutigissallutigu.

Tamakku saniatigut akisussaaffigisarput tassaavoq ukiumoortumik naatsorsuuserisarnermut inatsit najoqqutaralugu paasissutissanik piunasaqaataasunik pisortat nalunaarutaata imaqarnera pillugu isumaliuteqarnissaq.

Suliarisat isumagineqartut tunngavigalugit pisortat nalunaarutaat ukiumoortumik naatsorsuutitut naleqqussuusooq, aammalu ukiumoortumik naatsorsuuserisarnermut inatsisini piunasaqaataasut najoqqutaralugit suliarineqarsimasooq paasinninneraarput. Pisortat nalunaarutaanni annertuunik kukkussutigisamik paasissutissanik naassaarsimangilagut.

Nuuk, ulloq 2. maaji 2024

Claus Bech
Naalagaaffimmit akuerisaasutut kukknersiuisartooq
MNE-nr. mne31453

Lea Serwin
Naalagaaffimmit akuerisaasutut kukknersiuisartooq
MNE-nr. mne46612

**KISITSISIT PINGAARNERIT KISITSISILLU
NAJOQQUTASSAT**

	2023 tkr.	2022 tkr.	2021 tkr.	2020 tkr.	2019 tkr.
Naatsorsuutit inernerinik nalunaarsuutit					
Ilangaareerluni isertitat	72.590	71.379	71.132	70.632	71.211
Tamakkiisumik isertitat	49.245	45.084	48.970	47.437	45.912
Ingerlatsinermi pingaarnermi inernerit ..	33.009	36.297	36.915	27.948	34.958
Aningaasatigut inissitat, ilangariikkat	-1.761	-2.385	-2.984	-4.537	-12.021
Ukiumi angusat	23.436	25.434	28.586	17.207	25.482
Oqimaaqatigiissitsineq					
Oqimaaqatigiissitatut aningaasartat	1.263.992	1.246.946	1.238.921	1.296.558	1.299.171
Nammineq aningaasaatit	279.934	256.498	231.064	202.477	185.270
Aningaasat kaaviiarneri					
Ingerlatsinerni aningaasat kaaviiartut ...	43.985	34.350	46.191	31.592	42.809
Iluanaarniarluni aningaasaliinerni anigaasat kaaviiartut	-39.112	372	9.813	10.424	8.680
Aningaasaliinermik suliarisanit aningaasat kaaviiartut	-12.495	-19.938	-92.299	-19.887	-48.679
Aningaasat kaaviiartut katillugit	-7.622	14.784	-36.295	22.129	2.810
Tigussaasut sanaartukkani nalilinni iluanaarniarluni aningaasaliinerni	-39.112	-16.290	-384	-7.179	-10.263
Kisitsisit najoqqutassat					
Annerpaatut killiffissaq	67,8	63,2	68,8	67,2	64,5
Sinneqartoorutit annertussusaat	45,5	50,9	39,6	49,1	52,6
Attassisinnaanerup annertussusia	22,1	20,6	18,7	15,6	14,3
Nammineq aningaasaatini erniat	8,7	10,4	13,2	8,9	14,8

Kisitsisini pingaarnerni aamma kisitsisini najoqqutassani kisitsisit najoqqutaasut imatut naatsorsorneqarput:

Annerpaatut killiffissaq:	$\frac{\text{Tamakkiisumik angusat} \times 100}{\text{Ilangaateqareerluni kaaviiartitat}}$
Sinneqartoorutit annertussusaat:	$\frac{\text{Ingerlatsinermi angusat} \times 100}{\text{Ilangaateqareerluni kaaviiartitat}}$
Attassisinnaanerup annertussusia:	$\frac{\text{Nammineq aningaasaatit} \times 100}{\text{Naleqartuutit tamarmiusut, ukiup naanera}}$
Nammineq aningaasaatini erniat:	$\frac{\text{Akileraarutit kingorna angusat} \times 100}{\text{Nammineq aningaasaatit agguaqatigiissitat}}$

PISORTAT NALUNAARUTAAT

Ingerlatat pingaarnarpaat

Inissialiornissamik, piginnittuunissamik, imaluunniit tunisinissamik, attartortitsinissamik, aammalu ingerlatseqatigiiffimmit pigineqartut pigisatut illuutiniq aalajangersimasunik, naleqartuutinilu allanik aqutsinissamik siunertaqarluni ILLUUTILEQATIGIIT ILLUUT pilersinenqarpoq.

Namminersorlutik Oqartussanut iluaqutaasussamik ingerlatseqatigiiffimmik atuinikkut illuliorlunilu sanaartormik suliniutinut realkredit aqutugalugu aningaasaliiffiginninnerit anguniarlugit ingerlatseqatigiiffik pilersinneqarpoq.

Pigisatut illuutiniq aalajangersimasunik aqutsinissaq imaluunniit kiffartuussinissaq ingerlatseqatigiiffiup pingaarnertut suliasarinngilaa, taamaattumilu suliasat annertuumik suliarinnittussarsiunneqartarput.

2023-mi siulersuisut arfinileriarlutik ataatsimiissimapput.

Ingerlatani aningaasanullu tunngasunullu tunngasuni allanngoriartorerit

ILLUUT-mi inissiat amerlanerpaartaat Namminersorlutik Oqartussani, naalagaaffimmilu atorfillit inissiaattut, kollegianilu inissiatut attartortitaapput.

2023-mi ILLUUT-mut kaaviiartitat inerneraat 72,6 mio. kr., tassaallutik missingersuutaasunut qanittuaraasut, tassaasimasut 72,5 mio. kr.

ILLUUT inissiaatinimik illuutigisaminillu ingerlatsinermik pitsaanerpaanngorsaaniartuarpoq, tamannalu ilaatigut ingerlatsinermut aserfallatsaaliuinerimullu suliasanik neqeroortitsinikkut pisarpoq. 2023-mi suliat annikinnerusut arlallit naammassineqarput, soorlu torsuusanik majuartarfilinnik, aamma illut silataannik qisunnik qalipaanerit, kiisalu 2022-mi aallartitatut, aammalu 2023-mi nangitatut marraasersuutiniq taasersuinerit ataatillugu suliniut annertunerusut. Teknikkimut tunngasuni illuutiniq arlalinni avataanit kiassarnermut atortut taasersorneqarput, aammalu silaannarissarfittut kanaalini saliiniarluni aallarniutitut suliniut naammassineqarluni. Kingulleq 2024-mi suliniutumi annertunerusumi atuutsinneqalissaaq, tamatumani kanaaliniq saliinerit suliarinnittussarsiugaallutik.

2022-mi "Tuullit pillugit suliniut"-ip sanaartugaanera aallartippoq, tassaavorlu Inatsisartuni ilaasortanut, Nuummi najugaqartuunngitsunut inissianik sanaartorerit. Illuliat Inatsisartut Allattoqarfiannik sivisuumik attartugaqarnissamat isumaqatigiissutigisaq tunngavigalugu sananeqarput.

Annertunerusunik naatsorsuutiginnngisanik aningaasartuutitaqarani illuliorluni suliniut manna tikillugu pilersaarutit malillugit ingerlasimavoq. Illuliani etape siulleq 2024-mi iserterfigineqassaaq, sinnera 2025-mi.

2023-p ingerlanerani Qatserisut 1, 3 aamma 5-imi inissisimasunik inissiaqarfittut napasulianik pingasunik akuersissuteqarlunilu pisiaqarnissaq sulissutigineqarsimavoq. Namminersorlutik Oqartussanit kissaatigisaq malillugu, aammalu qanimut taakkuninnga suleqateqarluni suliniut pinngorsimavoq. Inissianik attartugaqartitsineq innersuussinissamat pisinnaatitaaffik, aamma innersuussinissamik pisussaaffeqarfik pillugit Peqqinnissaqarfillu isumaqatigiissutaasukut pissavoq. "Napasuliaq 1"-imik tigusineq ull. 1. januaari 2024-mi pivoq, "Napasuliaq 2"-mik tigusaqarneq ull. 1. juuli 2024-mi pissaq, "Napasuliaq 3" 2025-mi januaarimi tiguneqassalluni.

ILLUUT-ip periusissiaa naapertorlugi ineriartortitsinissamik suliniutaasinnaasunik arlalinnik sulissuteqartoqarpoq, taamaattorli tamakku suliarisanut piviusunut suli kinguneqartitaanngillat.

Aningaasat sillimmataasut

Illuutiqatigiiffiup nammineq aningaasaatai 280 mio.kr.-upput (2022-mi: 256 mio.kr.), taamaalluni akiliisnnaassuseq tassaavoq 22,1% (2022-mi: 20,6%) Namminersorlutik Oqartussanut akiitsut ilanngunnagit. Ingerlatseqatigiiffiup Namminersorlutik Oqartussanut akiitsui 774 mio.kr.-upput (2022-mi: 774 mio.kr.)

Illuutiqatigiiffiup akiliisnnaassusia, Namminersorlutik Oqartussanut akiitsut ilanngullugit 84,5%-iuvoq (2022-mi: 82,6%).

Ukiup ingerlanerani ingerlatsinermiit aningaasat 44,0 mio. kr. pissarsiareqqinneqarput. (2022-mi: 34,3 mio.kr.) Tamatuminnga tunngaveqartumik illuutiqatigiit ingerlannissaanik qularnaarinissamat aningaasat sillimmatigineqartut naammattueneri naliliffigineqarput.

Ingerlatseqatigiiffimmi pisortaarfik

ILLUUT-mi siulersuisut sisamanik inuttaqarput. Siulersuisuni ilaasortanut CV-t, aammalu attaviginissaannut

paasissutissat nittartakkami takuneqarsinnaapput. Ingerlatseqatigiiffimmi sulisut tassaapput pisortaq aamma teknikkimut pisortaq. Tamanna atuussinnaavoq, inissianimmi aqutsinermik suliasat avataanit pilersuisartunut arlalinnut suliarinnittussarsiuinikkut suliasannngortinneqarsimapput.

Periusissiaq

Ingerlatseqatigiiffiup periusissiaa tassaavoq ingerlatseqatigiiffiup ineriartorneranut naleqqiullugu sulilluarniuteqarnissaq. Tamanna iluanaarutissanut aningaasaliinissamut periusiamik suliaqarnermik nassataqartitsisimavoq, tassaniillutik inissiat 170-it tikillugit iluanaarutissanut aningaasaliinerit, aammalu sivirusumik attartuinermit isumaqatigiissutinut allaffinnut kvadratmeterinik suli annertunerinik iluanaaruteqarnissanut aningaasaliinerit. Iluanaaruteqarnissamut aningaasaliinernut periusissiaq tamatigoortutut Naalakkarsuisunit akuerisaavoq, taamaattorli suliniutit ataasiakkaat tamarmik immikkoortiterlugit Naalakkarsuisunit aamma Aningaasaqarnermut Ataatsimiititaliamit akuerineqassapput.

Suli ILLUUT-imi ingerlatsinerup pitsaanerpaannngorsarnissaa, aammalu inissiani pitsaalluartsuutsip attannissaa sammineqartuarpot. Tamanna ilaatigut aserfallatsaaliuinissamut pilersaarutit atuutsilernerisigut, pimoorussatut nakkutilliisarnertigut, aammalu pilersuisunit nakkutilliisarnertigut suliarineqassaaq.

Inissianik tunisaqarneq

Namminersuutigisatut inissianik pilersuinerinik tapersersuiniarluni ILLUUT-ip inissianik tunisaqartuarnissaa naatsorsuutigineqarpoq.

Taamaattorli 2023-mi inissianik tunisaqartoqannngilaq, tamatumunnga patsisaalluni inissianik attartortuni attartukkanik qimatsisoqarsimannngineq. Inissianik nioqqutigineqarsinnaasunik nuuttoqarnissaanut kaammattuiniarluni ILLUUT iliuuserisanik naammassisaqarsimannngilaq.

Illuutigisani tullingguuttuni inissiat nioqqutigineqassapput:

Illuutit	2023-mi tunisat	2023-p naanerani sinneruttut
Tuapannguit 3 - Napas. 6	0	30-nit tallimat
Natsiaq 2	0	16-init ataaseq
Illut uiguleriaat 41-45	0	48-nit 15-it
Katillugit	0	

Illuutigisami inissianik nioqquteqarsinnaassagaanni piginnittut peqatigiiffiliorsimasariaqarput, tassani ILLUUT inissiat nioqqutigineri malillugit sunniutigisamik annaasaqartuulluni. Illuutigisami niuerneq aallartinneqarpat piginnittut peqatigiiffianik aqqissuussaalluurtumik, takkuttussatut aserfallatsaaliuinermit sillimmateqarluni naleqquttunik aningaasanik katersaqartumik peqartoqassaaq.

Anguniakkat, aamma ukiunut takkuttussanut naatsorsuutigisat

ILLUUT-imut siunissaq illuutigisanut inissianullu nutaanut, ulluinnarni ingerlatsinermit ilanngunneqartussanut sammisaqarnerunissaq tunniussaqaassaaq. Tamanna aamma immikkoortoqarfinnik aqqissuussiffinnillu allanik annertunerinik suleqateqarnissamik nassataqassaaq. ILLUUT-ip aqqissuussiffia mikisoq suleqatigiinnissamut tassunga piareersimalluarpoq. Tamannalu Tuullit pillugit suliniutip sanaartugarineratigut sanaartortitsisutut atuuffiup isumagineqarneratigut, aamma Peqqinnissaqarfimmut Qatserisuni inissianik pisiortornerni takuneqarsinnaareerpoq.

Aarleqqutit immikkut ittut

Taarsigassarsianit aningaasaliinernut naleqqiullugu ILLUUT-ip tamakkiisumik aningaasaqarnera ingerlatseqatigiiffimmut toqqammavigisatut atugassarisanut atasuavoq. Inuiaqatigiinni tamatigoortutut erniat qaffanneri takuneqarsinnaagaluartut ILLUUT-ip tamakku nassatarisaattut aningaasartuutitut annertusisunut tamakkununga ajornaasaarfeqarnissaminut piareersimalluarfigai.

Illuutigisat aamma sanaartornissamik suliniutit timitaasigut ajoqusernertut aamma akisussaaffigisanut sillimmasigaapput. Teknikkip tungaatigut annikitsumik amerlassuseqartutut aqqiagiinngissutit, inernerisamik killup tungaanut sunniinnaasut saniatigut aarleqquteqartoqannngitsoq naliliiffiginntoqarpoq.

Ukiumi inernerisat naatsorsuutigisatut allannngortornissamut sanilliullugu

Akilerarutit sioqqullugit ukiumi inernerisat 31 mio. kr. naatsorsuutigisamit annertunerulaarpoq, missingersuutaasutut inernerisassaq 30 mio. kr.-t missaanniissimammat. Tamatumunnga arlalinnik pissutissaqarpoq, ingerlatsinerinik aqutsisoqarfimmi sipaaruteqartoqarsimalluni. Aamma piviusunngortinneqannngitsunit inissianit nioqquteqarnermit isertitaqarnissaq missingersuutaasimavoq, aammattaarlu PPV-mut 2 mio. kr.-nik atuisoqarnissaq missingersuutaasimalluni, atunerli 1,2 mio. kr.-niissimalluni.

Ukiup naatsorsuuteqarfiup naanerata kingorna pisimasut pingaarutillit

Oqimaaqatigiissitsiffittut ullormit ulloq manna tikillugu ukiumoortumik nalunaarutaasumik nalilersuineramik allanngortitsisunik pisoqarsimanngilaq.

Siunissamut naatsorsuutigisat

2024-mut naatsorsuutigisat tassaapput Peqqinnissaqarfimmut inissianik nutaanik aamma Inatsisartuni ilaasortanut inissianik ingerlatsilernerit kaaviiartitsineramik annertusisamik tunisinissaat, taamaalisukkulli ingerlatsinernut ernianullu aningaasartuutit annertunerit issapput.

2024-mi kaaviiartitat 79,3 mio. kr.-unissaat naatsorsuutigineqarput, akileraarutit sioqqullugit angusat tassaassallutik 31,6 mio.kr.

Inuiaqatigiinnut akisussaassuseqarneq pillugu nassuiaat

ILLUUT siusinnerusumi Global Compactimujt atasuusimavoq, paarlattuanilli ESG-mut atasutut Europami najoqqutarisat tamakku malillugi ILLUUT-ip nalunaaruteqartarnissaa toqqarneqarsimavoq. Tamatumunnga tunngasutut suliaqarneq aallartisarneqarsimavoq, tamatumunngalu ukiumut 2024-mut nalunaarusiortoqassasoq naatsorsuutigineqarpoq.

NAATSORSUUTITIGUT ANGUSAT 1. JANUAARI - 31. DECEMBARI

	Nal.	2023 tkr.	2022 tkr.
ILANNGAASSEREERLUNI ANGUSAT		72.590	71.379
Avataani aningaasartuutit		-23.345	-26.295
ANGUSAT ILANNGAASERNAGIT		49.245	45.084
Sulisoqarnermut aningaasartuutit	1	-2.354	-2.312
Nalikilliliinerit nalinillu appartitsinerit	2	-13.882	-6.475
INGERLATSINERMI ANGUSAT		33.009	36.297
Aningaasalersuinermi isertitat allat		360	0
Aningaasalersuinermi aningaasartuutit allat		-2.121	-2.385
AKILERAARUTIT ILANNGAATIGINAGIT ANGUSAT		31.248	33.912
Ukiumi pineqartumi angusat akileraarutaat	3	-7.812	-8.478
UKIUMI PINEQARTUMI ANGUSAT		23.436	25.434
ANGUSAT ATUGAANISSAANNUT SIUNNERSUUT			
Ileqqoreqqusani aalajangersakkatut toqqortat		11.285	14.392
Angusat nuussat		12.151	11.042
KATILLUGIT		23.436	25.434

OQIMAAQATIGIISSITSINEQ 31. DECEMBARI

NALILIUTIT	Nal.	2023 tkr.	2022 tkr.
Toqqaviit aamma illut		1.190.681	1.204.563
Sanaartukkat allat, ingerlatsinermi atukkat pequtillu		332	333
Sanaartukkat naliliutit sananeqartut sioqqutsisumillu akilikkat		56.964	17.851
Sanaartukkat naliliutit tigussaasut	4	1.247.977	1.222.747
SANAARTUKKANIK NALILIUTIT		1.247.977	1.222.747
Tunisinermi sulissinermilu pisassareriikkat		281	629
Pisassareriikkat allat		134	348
Pisassareriikkat		415	977
Aningaasat tigorianaanaat		15.600	23.222
KAAVIAARTITSINERNI NALILIUTIT		16.015	24.199
NALILIUTIT		1.263.992	1.246.946

OQIMAAQATIGIISSITSINEQ 31. DECEMBARI

AKIITSUT	Nal.	2023 tkr.	2022 tkr.
Aktiatigut aningaasaatit		54.110	54.110
Sillimmatigisat sinneri		113.363	102.078
Angusanik nuussinerit		112.461	100.310
NAMMINERISAMIK ANINGAASAATIT		279.934	256.498
Akilaraarutitut kinguartitanut toqqortat	5	77.080	69.268
PISUSSAAFFIGISAT TOQQORTAT		77.080	69.268
Realkreditinstitutitut taarsigassat		100.119	107.574
Taarsigassat allat		773.749	773.749
Akiitsunut pisussaaffiit sivisuumik akilersugassat	6	873.868	881.323
Realkreditinstitutitut taarsigassat		7.455	7.399
Aningaaserivinnut akiitsut		6.397	11.495
Nioqqutissanik sullissinernillu pilersuuteqartartut		3.706	1.442
Akiitsut allat		15.552	19.521
Akiitsunut pisussaaffiit sivikitsumi akilersugassat		33.110	39.857
AKIITSUNUT PISUSSAAFFIIT		906.978	921.180
AKIITSUT		1.263.992	1.246.946
Taarsigassarsianut qularnaveeqqutit aamma qularnaveeqqut	7		
Qanimut suleqatit	8		
Ukiup naatsorsuiffiup naanerata kingorna pisut pingaarutillit	9		

NAMMINEQ ANINGAASAATINIK NALUNAARSUINEQ

	Aktiatigut aningaasaatit	Sillimma-tit sineri	Angusat nuunne- qartut	Katillugit
1. januaari 2023-mi nammineq aningaasaatit	54.110	102.078	100.310	256.498
Angusat atugarinissaannut siunnersuut		11.285	12.151	23.436
31. decembari 2023-mi nammineq aningaasaatit	54.110	113.363	112.461	279.934

Sillimmatit sinneri tassaapput ingerlatsiviup illuutaanik aserfallatsaaliuinissamut sillimmatit tassungaannaq atorneqarsinnaasut.

ANINGAASANIK KAAVIAARTITSINERUP NALUNAARSORNEQARNERA
1. JANUAARI - 31. DECEMBARI

	2023 tkr.	2022 tkr.
Ukiumi angusat	23.436	25.434
Ukiumi nalikilliliissutit utertitat	13.882	14.006
Piviusunnortitsinermit iluanaarutitik utertitsinerit	0	-7.531
Ukiumi angusanit akileraarutit utertitat	7.812	8.478
Pisassarisanit allannguutit (akileraarutit ilanngunnagit)	562	-87
Akiitsunut sivikitsumi akilersugassani allannguutit (akileraarutit, naafferartumik akilersugarisassat aamma kassekredit ilanngunnagit) ...	-1.707	-5.950
INGERLATSINERMIT ANINGAASAT KAAVIAARNERAT	43.985	34.350
Sanaartukkanik tigussaasunik pisinerit	-39.112	-16.290
Sanaartukkanik tigussaasunik tunisaqarnerit	0	16.662
ILUANAARUTIGISASSATUT ANINGAASALIINERNIT ANINGAASAT KAAVIAARNERAT	-39.112	372
Taarsigassarsianik naafferartumik akilersuinerit	-7.397	-14.796
Ingerlatsinermit akiitsuni allannguutit	-5.098	-5.142
ANINGAASALIINERNIT ANINGAASAT KAAVIAARNERAT	-12.495	-19.938
TIGORIAANNARNI ALLANNGUUTIT	-7.622	14.784
1. januaarimi tigorianaanaat	23.222	8.438
31. DECEMBARIMI TIGORIAANNAAT	15.600	23.222
31. decembarimi tigorianaanaat imatut nassuiarneqarput: Aningaasaatit tigorianaanaat	15.600	23.222
TIGORIAANNAAT	15.600	23.222

NALUNAARSUINERIT

	2023 tkr.	2022 tkr.	Nal.
Sulisunut aningaasartuutit			1
Agguaqatigiissillugit inuit atorfeqartitat amerlassusaat:	2	2	
Aningaasarsiat akissarsiallu	2.283	2.241	
Soraarnerussutisiassat	71	71	
	2.354	2.312	
Pisorta qarfirmi aningaasarsiat	1.169	1.062	
Siulersuisut aningaasarsiaat	337	337	
	1.506	1.399	
Nalikilliliinerit nalinillu appartitsinerit			2
Illuutit	13.882	13.882	
Ingerlatsiviit allat, ingerlatsinermut atortuutit pequtillu	0	124	
Nioqqutigisatigut iluanaarutit	0	-7.531	
	13.882	6.475	
Ukiumi pineqartumi angusat akileraarutaat			3
Ukiup siulianut tunngasutut akileraarutit iluarsineri	7.812	8.478	
	7.812	8.478	
Sanaartukkat pigisat nalingat			4
	Toqqaviit illullu	Ingerlatsiviit allat, Ingerlatsinermut atortut pequtillu	Sanaartukkat naliliutit sananeqartut sioqqutsisumillu akilikkat
1. januaari 2023-mi pisiarinerisa akiat	1.339.172	8.860	17.852
llangussat.....	0	0	39.112
31. decembari 2023-mi akiviat.....	1.339.172	8.860	56.964
1. januaari 2023-mi nalikilliliinerit nalinillu appartitsinerit	134.609	8.528	
Ukiumi nalikilliliinerit	13.882	0	
31. decembari 2023-mi nalikilliliinerit nalinillu appartitsinerit	148.491	8.528	
31. decembari 2023-mi naatsorsuutitut tunngasutut naligisaq	1.190.681	332	56.964
Akileraarutitut kinguartitanut toqqorsinerit			5
Akileraarutitut kinguartitanut toqqorsinerit pappialani naleqartuni, pisassarisani, tigussaangitsutut sanaartukkatut naleqartuutini, aamma tigussaasutut sanaartukkatut naleqartuutini, ilanngullugit aningaasaliiffigisatut attartortitsinissamut isumaqatigiissutit naatsorsuutitut ilanngunneqartuni naatsorsuinernut aamma akileraartarnernut tunngasutut assigiinngissutitut tunngapput.			

Nal.

Aningaasat imatut nassuiarneqarput:

	Naatsorsuutininut tunngasutut naleqassuseq	Akileraarutininut tunngasutut naleqassuseq	Assigiinngissu- taagallartoq
Tigussaasutut sanaartukkatut naleqartuutit	1.247.978	939.404	308.574
Pisassarisat	0	254	-254
	1.247.978	939.658	308.320
Akileraarutininut kinguartitanut toqqorsinerit			77.080
1. januaarimi akileraarutit kinguartitat		69.268	60.790
Angusanik nalunaarsuutini ukiumi akileraarutit kinguartitat		7.812	8.478
31. decembarimi akileraarutit kinguartitat		77.080	69.268

**Akiitsunut sivisuumik akilersugassanut
pisussaaffiit**

	31/12 2023-mi tarsigassat katillugit	Naafferart. Akilersuine- rit aappaa- gumut	Ukiut tallimat kingorna taarsigassat sinneri	31/12 2022-mi taarsigas- sat katillugit
Realkreditinstituttit taarsigassat ...	107.574	7.455	69.732	107.574
Taarsigassat allat	773.749	0	773.749	773.749
	881.323	7.455	843.481	881.323

6

Taarsigassat allat inissianik nioqquteqarnerit malillugit akilerneqassapput.

Taarsigassarsianut qularnaveeqqutit qularnaveeqqusiinerillu

7

Aningaaserivinnit illuliornissamullu akiitsut illuutit qularnaveeqqusiullugit qularnaveeqquserneqarput. Ukiup naanerani akiitsorineqarput 113.870 t.kr. Illuutit qularnaveeqqusiunneqartut naatsorsuutitigut nalingat tassaavoq 1.190.681 t.kr.

Qanimut suleqatigisat

8

Ingerlatseqatigiiffimmut qanimut suleqatigiisaniipput makku:

Namminersorlutik Oqartussat, ingerlatseqatigiiffiup aktiaataanik tamanik piginnittut.

Aalajangiisutut sunniuteqarneq

Namminersorlutik Oqartussat ingerlatseqatigiiffimmi aktianik tamanik piginnittuovoq, taamaattumillu tamatumunnga aalajangiisutut sunniuteqartartuulluni.

Qanimut suleqatigisanut nuussinerit

Ingerlatseqatigiiffik niuerfimmur tunngasutut atugassarisani isumaqatigiissutaasimannigitsunik qanimut suleqatigisat peqatigalugu nuussaqsamannigilaq. Takukkit ÅRL § 98c, imm. 7-imi nuussinerit pillugit taamaallaat nalinginnartut niuerfimmur tunngasutut atugassarisani naammassineqanngitsut ilisimatitsissutaasut.

Ukiup naatsorsuuseriffiup naanerata kingornatigut pisut pingaarutillit

9

Ullormit oqimaqatigiiffigisamit ulloq manna tikillugu ukiumi nalunaarusiamik nalilersuutigisamik allanngortitsisunik pissutsinik pisoqsamannigilaq.

NAATSORSUUSIORNERMI PERIUSEQ ATORNEQARTOQ

2023-mut ILLUUTILEQATIGIIFFIK ILLUUT-imut ukiumut nalunaarusiaq suliffinnut naatsorsuusiornermut inissisimaffik B-mi kalaallit ukiumut nalunaarusiornermut inatsisaanni aalajangersakkat, naatsorsuusiornermut inissisimaffik C-mit malittarisassianik ilanngussiffigisaq naapertorlugu suliarineqarpoq.

Ukiup siuliatuulli naatsorsuusereriaatsip assinga malillugu ukiumut nalunaarusiaq suliarineqarpoq.

NAATSORSUUTITIGUT ANGUSAT NALUNAARSORNEQARNERAT

Ilanngaaseereerluni kaaviiartitat

Ilanngaaseereerluni kaaviiartitat, tassaasut inissianik attartortitsineri isertitat, aningaasaatitigut iluanaarutit assingusullu ilanngullugit naatsorsorneqassapput, tassalu ukioq naatinnagu pilersuineq aamma pisisumut nalorninartorfiusinnaasutut ikaarsaarnerit pisimassappata, aammalu isertitat tutsuiginartumik naatsorsorneqarsinnaallunilu tiguneqarsimasutut naatsorsuutigineqarsinnaassappat.

Aningaasartuutit avataaneersut allat

Aningaasartuutini avataaneersuni allaniipput tunisassiornermi, nioqquteqarnermi, pilersuuteqarnermi allaffissornermilu aningaasartuutit, ilanngullugit nukissiutinut, ussasaarinernut, ininut, pisassa qarfigisanit annaasanut, attartortitsinernut aningaasartuutit il.il.

Sulisoqarnermut aningaasartuutit

Sulisoqarnermut aningaasartuutiniipput aningaasarsiat akissarsiallu, ilanngullugit feeriaqarner siutit pensionisiallu, kiisalu ingerlatseqatigiiffimmi sulisuusunut inuuniarnermi sillimmasiinernut il.il. aningaasartuutit allat.

Aningaasaliinernit isertitat aningaasartuutillu

Aningaasaliinernit isertitani aningaasartuutinilu ipput ernianit isertitat aamma aningaasartuutit, pappiaranit aningaasanik nalilinnut, taarsigassarsianut, aammalu nunat allamiut aningaasaataasigut nioqquteqarnermut tunngasutut aningaasat nalingini iluanaarutit annaasallu piviusunngortitat aamma piviusunngortinneqanngitsut, kiisalu akiligassarisanut akileraarutinut aaqqiissutit il.il. iluini ilanngussat ajunngitsorsiasallu. Aningaasaliinernit isertitat aningaasartuutillu naatsorsuutitigut angusat nalunaarsornerinut ilanngullugit naatsorsorneqassapput, atorneqarlutik aningaasat ukiumut naatsorsuiffiusumut tunngasut. Ernianit isertitat aamma aningaasartuutit taakku naligisaasa annaasa qarfiuneri taarsigassarsiarisanullu aningaasartuutaasut agguataarlugit akiviusunut naatsorneqarput.

Ukiumi angusanit akileraarutit

Ukiumi pineqartumi akilersaarutit tassaasut ukiumi pineqartumi akileraarutit piviusut aamma akileraarutit kinguartitat al-lannguutaat, naatsorsuutini angusat nalunaarsorneqarnerannut ilanngunneqartarput taakku ilaat ukiumi pineqartumi naatsorsuutitigut angusanut attuumassuteqartuusut, kiisalu namminerisamik aningaasaatinut toqqaannartut taakku ilaat, namminerisamik aningaasaatinut allattukkanut toqqaannartumik attuumassuteqartuusut.

OQIMAAQATIGIISSITSINEQ

Sanaartukkanut pigisat nalillit

Toqqaviit aamma illuutit, nioqqutissiornermi atortut aamma maskiinat kiisalu sanaartukkat allat, ingerlatsineri atortut aamma pequtit pisiarinerini naliviannut nalilernerqartarput, taakkunnga nalikilliliinerit aamma nalinik appartitsinerit katiterneqartut ilannga atigalugit. Toqqavinnik nalikilliliinerit atorneqanngillat.

Nalikilliliinermut tunngavisoq tassaavoq pisiarinerqarnerani akivik tassannga ilannga atigalugit atorneqarnerata naammassinerata kingornatigut nalinga sinneruttussatut naatsorsuutigisaq.

Pisiarinerini naliviannut ilaapput pisiarinerani akia, aningaasartuutit pisineri toqqaannartumik attuumassuteqartut, tassalu piffissamut pigisat nalillip atorneqalernissaanut piareernissaa tikillugu.

Pigisat naatsorsuutigisatut atugarinissaanut piffissanik tullinnguuttutut nalilersuineri tunngaveqartumik nalikilliliissutit tulleriisinnegartut isumagineqassapput:

Illuutit Ukiut 30-50-it
Ingerlatsiviit allat, ingerlatsineri atortuutit pequtillu Ukiut tallimat

Sanaartukkanik pigisanik nalilinnik nioqquteqarnermi iluanaarutit imaluunniit annaasat nioqquteqarnermi aningaasartuutit ilanngaatalugit nioqqutigisap akiata, aammalu nioqquteqarnerup nalaani naatsorsuuserinermut tunngasutut naleqassutsip akornanni assigiinngissutitut naatsorsorneqarput. Iluanaarutit imaluunniit annaasat naatsorsuutitigut angusat nalunaarsornerini ilanngullugit naatsorsorneqarput.

Sanaartukkat nalillit nalingisa annikillineri

Sanaartukkat nalillit naatsorsuuserinermut tunngasutut nalingat ukiumoortumik nalilikkiliinikkut nalunaarutigineqartup saniatigut nalingisa annikillinissaannut paasissutissatigut naliliiffigineqassapput.

Nalingisat annikillinissaannut paasissutissanik peqarpat nalilinnut ataasiakkaanut paarlattuatullu nalilinnut eqimattunut nalikilliliisitsinermut misiliisoqassaaq. Pissarsiareqqinnerata nalinganut nalilikkiliisoqassaaq, tassalu taanna naatsorsuuserinermut tunngasutut nalingisamut naleqqiullugu appasinnerussappat.

Pissarsiareqqinneranut naliusiq tassaavoq aningaasatigut nalingisap aamma nioqputiginerani nalingisap annertunerpaamik naleqassusia, tassani ilanngaatigineqassallutik nioqputiginerani naatsorsuutigisatut aningaasartuutit. Aningaasatigut nalingisap naleqartuutaasumik, imaluunniit naleqartuutit eqimattut atugariuarnissaannit ilanngaateqareerluni aningaasanit kaaviiartitanit naatsorsuutigisatni taakkunanit ulluamikkut nalingisatut naatsorsorneqassaaq, tassani aamma ilaassalluni naleqartuutaasumik, imaluunniit naleqartuutit eqimattut atoreernerisa kingornatigut nioqputiginerisigut naatsorsuutigisatut iluanaarutaasut. Erniap kisitsisaa atorneqarpoq, taannalu naleqartuutit assingannut aarleqqutissartaqanngitsutut niuerfimmi erniamut, piginnittullu iluanaaruteqarnissamik piunasaqaataannut ersersitsiniutaavoq. Ingerlatsiffiup nalaani siuarsarnerup annertussusaa suliffeqarfimmi najoqqutarisartagaq najoqqutaralugu aalajangerneqassaaq.

Pisassareriikkat

Pisassareriikkat pisiarineqarneranni naliviannut nalingi assigiiaartillugit nalilernerqartarput taakku nalinginnaasumik assigisarlugu akiviat aalajangersimasooq. Nalingisap annaasaqaatigisassatut ilimagisanik pinngitsoortitsiniarluni nalilik appartitsinernik annikillisinneqartarpoq.

Annaasat piareersimaffiginiarlugit nalingit appartinneqartarput, tamatumani pisassareriikkap, imaluunniit pisassarisanut ingerlatsiviup (porteføljep) naleqassusiata ajortissimanerani kinaassusersiunngitsumik ilimanaataasumik takkuttoqarsimanissaa naliliiffigineqartarluni. Ataasiakkaanut tunngasutut pisassarisanu naleqassutsinik ajortisaasoqarnermik kinaassusersiunngitsumik ilimanaataasooq pigineqassappat ataasiakkaanut tunngasutut inissisimaffimmi nalingit appartinneqassapput.

Ataasiakkaanut tunngasutut kinaassusersiunngitsumik naleqassutsinik ajortisaasoqarnerani ilimanaataasunik peqanngitsuni pisassarisanut naleqassutsit ajortinnissaannut kinaassusersiunngitsumik ilimanaataasunut ingerlatsisatut inissisimaffiusumiittuni nalilersuisooqassaaq. Ingerlatsisat pingaarnertut akiitsullit angerlarsimaffianni, aammalu ingerlatseqatigiiffiup aningaasanik pisassanik aarleqqutaasunik aqutsinermit politikia malillugu aningaasanik pisassanik nalilersuinerni tunngaveqartinneqarput. Ingerlatsisanut atorneqartutut kinaassusersiunngitsutut ilimanataasaasut oqaluttuarisaanermi annaasanik misilittagaqarnernik tunngaveqartillugit aalajangerneqarsimapput.

Nalingit appartinneri pisassareriikkani naatsorsuuserinermut tunngasutut naliusup, aammalu naatsorsuutigisatut aningaasanik kaaviiartitsinissani taakku ullumikkut naleqassusaasa, ilanngullugillu ajornanngippat qularnaveeqqusiisutaasut piviusunngortinnerinut naleqassusaasa akornanni assigiinngissutit naatsorsorneqartarput. Erniat kisitsisaattut akigititamat pisassareriikkani ataasiakkaani imaluunniit ingerlatsiviusuni erniat nalingat atorneqartarpoq.

Akilaraarutit akiligassat aamma kinguartitat

Maannakkut akilaraarutitigut pisussaaffigisat aamma maannakkut akilaraarutinit pisassarisanut ukiumi akilaraaruteqarfigisassatut isertitanit akilaraarutit naatsorsorsimasatut oqimaaqatigiissani ilanngullugit naatsorsorneqassapput, taakkulu ukiut siuliini akilaraaruteqarfigisassatut isertitanit, kiisalu akilaraarutinit akiligassagassanut akilerneqartunut iluarsivigisaassapput.

Akilaraarutinit kinguartitanut ilanngunneqartarput naatsorsuutigut aamma akilaraarutitigut naliliutit naliisa aamma pisussaaffiit tamamik assigiinngissutigigallagai tunngavigalugit naatsorsorneqassapput.

Akilaraarutinit naliliutit kinguartitat, taakkununga ilanngullugit akilaraarutit nalingat siumoortumik akilaraarutitigut amigartoorutissatut naatsorsorneqarsinnaasutut akuerisaasut naleqassutsimut, nalingisaasup ukiuni tulleriinni amerlavallaanngitsut iluini atugaanissaanut naatsorsuutigineqartumut uuttorneqassaaq, tassani siunissami isertitaqarnermi akilaraarutit naliigiissaaviginerisigut, imaluunniit inatsisilerinermi akilaraartitsinermut immikkoortoqarfiup taassuma assingata iluani akilaraaruteqarnissamut pisussaaffigisat kinguartitat killormut naatsorsuiffiginerisigut.

Akilaraarutit kinguartitat akilaraartitsinermut malittarisassiat akilaraartitsinermullu akigitat tunngavigalugit naatsorsorneqartarput, tamatumani akilaraarutit kinguartitat maannakkut akiligassatut akilaraarutit atugaatilerinissaanut naatsorsuutigisaasumi oqimaaqatigiissitsinermut ullormut inatsisaasut atuuttusaallutik. Akilaraarutit kinguartitat akilaraartitsinermut akigitat allannngortinnerannik malitseqartumik allannguutit naatsorsuutigut angusat nalunaarsornerannut ilanngullugit naatsorsorneqassapput, tassanili pissanngillat

inissitassat nammineq aningaasaatigisanut toqqaannartumik inissinneqartitaasinnaasut.

Taarsigassarsianut pisussaaffigisat

Aningaasaliiffinni pisussaaffigisat taarsigassarsinerni ilanngullugit naatsorsorneqartarput, atorneqarluni pissarsiarisatut iluanaarut, ilanngaatilugit nioqqutiginerani aningaasartuutigisimasat. Malitsigisatut piffissap ingerlaffiini aningaasaliiffinni pisussaaffigisat pissarsiarinerisa naliviattut assigiiaartutut naleqartillugit naatsorsorneqartarput, assigalugu erniavinnik atuinermi aningaasannortitatut naleqassuseq, taamaalilluni ilanngaateqarfigisatut iluanaarutaasup, aammalu naliviup aalajangersimasup akornanni assigiinngissutaasoq taarsigassarsiaqarfiup nalaata ingerlanerani naatsorsuutitigut angusat nalunaarsornerannut ilanngullugit naatsorsorneqassallutik.

Pisussaaffinnut sivikitsumi akilersugassanut pissarsiarineqarneranni naliviattut assigiiaartutut nalinginnaasumik nalilerneqartarput, taassuma nalinginnaasumik assigisarlugu nalivia aalajangersimasoq.

ANINGAASAT KAAVIAARNERISA NALUNAARSORNEQARNERAT

Aningaasat kaaviiarnerinik nalunaarsuinerup ersersippai ukiumut aningaasat kaaviiarneri, agguataarfigineqarlutik ingerlatsinermik suliarisat, ukiumut iluanaarutissanik aningaasaliinermik suliat aamma aningaasaliisarnermik suliat, aningaasani tigorianaanni ukiumi nikeriarfiit, kiisalu ukiup aallartinnerani naanerani aningaasat tigorianaanaat.

Ingerlatsinermik suliarisanit aningaasat kaaviiarneri:

Ingerlatsinermik suliarisanit aningaasat kaaviiarneri ukiumi angusatut naatsorsorneqarput, taakku aningaasanik tigussaasuunngitsuni ingerlatsinermut inissitsivinnik, ingerlatsinermut aningaasaatit allannguutigisaannik, kiisalu ingerlatseqatigiiffimmut akileraarutit akilikkat iluarsiissutaallutik.

Iluanaarutissatut aningaasaliissutinit aningaasat kaaviiarneri:

Iluanaarutissatut aningaasaliissutinit aningaasat kaaviiarneriniippuut tigussaasuunngitsunik, tigussaasunik, aamma aningaasaliiffigisatut sanaartukkatut naleqartuutit pisiortornernut nioqquteqarnernullu atatillugit akiliutit.

Aningaasaliisarnermik sulianit aningaasat kaaviiarneri:

Aningaasat kaaviiarnerannut aningaasaliisarnermut tunngasunut ilaappuut aktiani aningaasaatit amerlassusiisa imaluunniit katitigaanerisa allannguutaat, kiisalu aningaasartuutit tamatumunnga tunngassuteqartut, aamma taarsigassarsiaqarnerit, kiisalu taarsigassarsianik ernialersukkanik naafferartumik akilersuinerit, aammalu ingerlatseqatigiiffimmi peqataasuntu iluanaarutit akiliuteqarnerit.

Aningaasat tigorianaanaat:

Aningaasani tigorianaanniippuut aningaasat pigineqartut uninngasuutit, aamma piffissamut sivikitsumut killilikkatut pappialat aningaasanik nalillit, taakkunani taamaallaat naleqassutsit allannguuteqarnissaannut soqutaanngitsumik aarleqquteqartoqarluni, aammalu aporfissaqanngitsumik aningaasanut pigineqartunut uninngasuutinngortillugit pissarsiarineqarsinnaallutik.